

Segun Pagina di Internet:

Arena politico....

**68,5% DI PARTICIPANTE TA
DESAPROBA E MANEHO DI
GABINETE MIKE EMAN II**

Chevrolet Celta a dal dama cu tabata jog y a lague seriamente herida



**AWOR MAS CU
NUNCA MESTER
BIN UN UNION PA
MARA MAN DI E
POLITICO!!**

URATAKA CENTER

Special di awe:
Pasta Bolognese, Salada
& Garlic Bread

Afl. 10.00
Tel: 585-5212



Huez na Houston a laga pone beslag riba tres cuenta di Roberto Rincon na Suiza

**Awe hoofdofficier na Aruba ta cuminza
traha bek**

Ayera Corte na Houston a dicta un sentencia unda nan a autoriza pa pone tres cuenta bancario di Rincon na Suiza bao beslag. E cuentanan aki tin mas di 100 miyon dollar, cual ta placanan horta di PDVSA.

Rincon y su partner comercial Shiera ta wordo sospecha di soborna oficialnan di Pdvsa. Un otro sospechoso cu ta wordo investiga ta un bodyguard di ex - hefe di Pdvsa, Rafael Ramirez. Aparentemente e bodyguard lo tabata usa Pdvsa pa laba placa di droga. Mientras tanto awe hoofdofficier a cuminza traha bek na Aruba. Pues awe lo por haya noticia si Merca a manda cualkier peticion Aruba pa beslag propiedadnan di Rincon. Aparentemente Merca lo por manda pidi pa extradita un of dos minister, pa nan duna cuenta di nan vinculo. Awe Ministerio Publico lo mester bisa kico ta kico cu Roberto Rincon y ministronan di Aruba.

Chauffeur na estado a bolter na Paradera



Accidente cu basta daño material ariba Caya Betico Croes bayendo Cumana

Diasabra anochi algo prome cu 8'or un accidente cu basta daño material a sosode na e cruzada cu di Caya Betico Croes cu Scopappelstraat. Falta di preferencia a hunga un rol entre un Kia Rio y un Hyundai Tucson.

Dos ambulance a presenta y asina a atende cu esnan herida y transporta nan pa hospital.



Chauffeur na estado a bolter na Paradera



Diasabra atardi ariba e caminda di Paradera na altura di Burger King un dama na estado a bolter. Den e auto tabata tin un mucha muher. Patruya y ambulance a yega prome na e sitio, y mirando cu ta

trata di un dama na estado a opta pa brandweer yega na e sitio, pa asina yuda saca e dama.

Esnan herida a ser transporta pa hospital pa mas observacion.

LIDER DI MEP, MR. EVELYN WEVER-CROES:

DICON GOBIERNO TA ASINA KETO RIBA E ESCANDALO DI RINCON?

LABAMENTO DI PLACA, PLACA DEN CAMPAÑA DI AVP, PAGA TICKET DI AVION Y HOTEL PA MINISTER, KICO MAS?

Durante e promer conferencia di prensa lider di MEP a elabora riba varios publicacion den prensa internacional y local relaciona cu envolvimento di parti mandatarionan di Aruba cu Roberto Rincon cu a wordo deteni na Merca pa motibo di labamento di placa y soborno.

"Esaki ta ponemi pensa kico e influencia por tabata di Rincon aki na Aruba pasobra den prensa tin acusacionnan hopi grave ta wordo lanza contra varios minister di Gabinete Mike

Eman. Hasta nan a haya e nomber di "RINCON BOYS" nobo. No lubida, un persona cu ta wordo sospecha di soborno y labamento di placa, di a paga ticket y hotel pa ministernan bay Merca, ta kico mas Mike Eman y su gobierno ta warda pa reacciona? Dicon e silencio hermetico di parti di ministernan di Aruba?

Mike Eman y su ministernan no por keda keto mas. Tin un dicho ta bisa "Wie zwijgt stemt toe" y e miedo di e ministernan di Gabinete Mike Eman ta confirma e

dudanan, y talvez nan ta keda keto pasobra nan tin hopi mas di sconde.

Pueblo di Aruba ta cansa di e tipo di escandalonan aki di politiconan di Mike Eman. Promer tabata caso di strawberrygate di Otmar Oduber den cual te dia di awe niun strawberry a wordo planta, placa a somenta, e persona ta deteni. Despues e envolvimento di Mike Eman cu Kiko Gomez cu tambe a wordo deteni. Awor ta e caso di Robert Rincon cu Mike Eman, Mike de Meza, y cantidad di minister



mas. Ta kico mas lo bay tuma lugar poniendo Aruba su nomber den luz negativo?

E realidad ta cu Gobierno no por keda keto mas y

keda sin reacciona, sino bo ta aceptando tur cos. Mi ta reta Mike Eman pa bin na pueblo un splicacion!", tabata palabranan di sra. Evelyn Wever-Croes.

Astrid Vries:

Trata di Bira un Regenboog den nubia di otro e aña aki 2016

Esaki ta un di e quotesnan di Maya Angelou "Try to be a Rainbow in someone's cloud."

Loke Maya Angelou kier a bisa ta esaki:

E ta tuma tiki for di bo tempo pa pone un briyo den e dia di un persona. Haciendo esey bo por laga un persona sinti su mes contento pa un momento, un ora, un dia of duna na e persona un dushi memoria pa bida largo y hasiendo esaki ta laga bo mes sinti maravioso.

Algun idea cu bo por converti bo mes den un Regenboog chikito ta: Gradici un persona, duna un persona un compliment, tuma tempo di bo bida ocupa y duna danki na un persona cu a haci algo bon pa bo. Puntra un persona si tur cos ta bon. Bisa un persona cu bo tin cariño pe cu e ta tremendo. Smile na cada persona cu bo topa sea ta riba caya of cualkier lugar. Manda un nota na un persona cu ta sinti malo di salud. Ofrece bo mes pa yuda un persona cu ta sufriendi di stress of un persona cu ta luchando pero den un forma cu ta haci

bo mes sinti confortabel y no den e manera cu bo mes lo sinti estresa. Pordona of stop di wanta den bo curazon un rabia contra di un persona kizas cu a haci bo un daño. Tin asina hopi manera cu bo por converti bo mes den un Regenboog den bida di un persona.

Un Regenboog ta di hopi color bunita.

Maya Angelou tempo cu e tabata un mucha, el'a wordo abusa door di e pareha di su mama. El'a bisa esaki na su famia cu a reporta esaki na autoridad y e siguiente dia, E polis a bin na Maya su cas pa laga nan sa cu e persona cu a abusa di dje a muri aparantemente door cu hende a schop e te cu a causa su morto.

Maya a stop di papia for di e dia ey pasobra como mucha el'a kere cu su voz lo causa morto di otro. Ela keda den silencio pa hopi anja. E no kier a papia pasobra e no

tabata kier a haci daño na ningun persona. Maya ta conta con su wela tabata un di su Regenboog cu a kere den dje y a mira su futuro como un educadora di personanan rond di mundo. El'a yuda Maya recupera su voz atrobe. Maya ta encurasha tur persona pa bira un Regenboog den bida di otro. Cu profundidad Maya a observa cu timidad ta mata oportunidadnan cu por salba un bida di un persona. Timidad ta mata soñonan. Timidad ta mata oportunidadnan pa sirbi otronan. Timidad ta nenga Regenboognan di sali pa yuda personanan cu ta desespera y tin mester di yudanza den e mundo aki. Nos no sa con importante nos roll ta den yuda un persona of con cerca nos ta na yuda un persona cu kier give up riba su bida pasobra tin biaha nos tin miedo pa mostra nos mes completamente. E ta asina facil pa miedo gara bo y nos ta sconde poniendo un



banda e parti di accion cu nos por a inspira un persona, nos ta lague pa un otro dia cu nunca ta bin. Solamente ora cu nos braza curashi y bai dilanti cune den loke nos ta yama pa haci nos di berdad por sirbi otro y converti nos mes den un berdadero Regenboog pa otro.

Maya ta honra cada Regenboog cu a forma parti di su bida y cu a ilumina su caminda. Nos mester scoge Curashi over di timidad. Scoge Amor over di miedo.

Keda cana den ta abo mes y totalmente bo mes. Sea un regenboog den bida di un persona Awe!

Un di e Regenboog importante ta Derecho Igual y Trato Igual. Trata tur persona na e manera cu abo kier pa otro trata bo. Duna Derecho na e persona cu e tambe por ta feliz. Cu e tambe por haya oportunidadnan den bida. Oportunidad pa tin un trabao, oportunidad pa tin Educacion, tur oportunidadnan basico cu tur persona merese di tin como derecho pa e simple motibo cu e ta un Ser Humano.

Cu Astrid bisa Mi "Let's Talk Human Rights."

Facebook page: Aruba Human Rights for All.

E m a i l : Arubahumanrightsforall@yahoo.com Deseando E Pueblo di Aruba Un Feliz Aña Nobo 2016.

Chevrolet Celta a dal dama cu tabata jog y a lague seriamente herida



Dialuna atardi laat polis y ambulance a bay riba e caminda di Papiñon pa Santa Marta pa un accidente unda un auto a dal un persona cu tabata cana. Na yegada a topa un dama seriamente herida banda di caminda. E dama tabata tin un pia seriamente fractura y tabata tin kap na cabez

mirando cu el'a dal cu su cabez den e windshield.

E chauffeur na stuur di e Celta a dal y sigui bay, pero despues di algun minuut el'a bin bek na e sitio.

Personal di ambulance despues di a estabiliza e dama, a transport'e pa hospital.

JR AUTOCENTER

LEOCH BATTERIES

Nunca ta fayabo!
Baterlanan tin 6 luna garantia despues di check-up electrico...**GRATIS!**

SCOOTER LT7A-4	\$55,-	POLE FINI 400 CA	\$115,-	450 CA	\$125,-
500 CA	\$140,-	DIN 54459L (12V 44AH)		800 CA	\$190,-
540 CA	\$150,-				

Nos tin bateria pa Auto, Truck, Scooter, Boto & mas!
Cura Cabai 584 8295 | Turibana 586 2226 | Macuarima 585 4944
*Prices in Afl. & incl. BBO

WIN Prizes!

Alberto Klabér di Brazil Taekwondo Stichting a entrega calender di aña 2016 na Banco di Caribe

Brazil Taekwondo Stichting a lanza su kalender pa aña 2016 y esaki ta ariba mercado pa asina por yega na e meta y plannan pa aña 2016. Banco di Caribe ta e prome banco cu semper ta duna sosten na e calender di Brazil Taekwondo Stichting, esaki ta e di 3 aña consecutivo cu Brazil Taekwondo Stichting ta haya apoyo for di Banco di Caribe cu semper tey pa nos atletanan elite. Brazil Taekwondo Stichting ta aprecia esaki masha hopi mes di Banco di

Caribe cu ta mira tambe cu cada biaha cu Brazil Taekwondo Stichting representa Aruba internacionalmente nan ta bin bek cas cu premio.

Pa aña 2016 Brazil Taekwondo Stichting tin su plan caba y ta preparando pa Open USA cu ta un campeonato G2 Ranking. Alberto Klabér di Brazil Taekwondo Stichting a gradici sr. Maduro di Banco di Caribe pa e sosten cu a wordo duna na Brazil Taekwondo Stichting.



Cas di 30 aña di status aparte



Family henriques a disedi di barna su cas na cashero pa e celebracion di 30 aña di nos status aparte bo ta mira tog tin algun jui di tera ta pensa ariba status aparte algo di apersa

hoque nos juinan tera pensa aruba dios dushi isla aruba pa bin cu algu asina manera e mi ovi henriques a pensa di haci na su cas oploso pa e family henriques.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

LUCI MIHO DEN CARNAVAL BAHA TE CU 25 LIBER DEN UN LUNA!



SLIM XTREME™
Herbal Slimming Capsule

Slim Xtreme ta ofrece bo un producto completamente natural di baha peso

Kima vet y caloria - Controla apetit - Aumenta energia
Acelera metabolismo - Pa hende hombre y muhe
Yuda elimina toxico di curpa



Garantisa!*

*Detayes di reglanan cu ta aplica na garantia obtenibel exclusivamente na

Nature's Discount Seroe Blanco
Seroe Blanco 19
588-5380

Nature's Discount Pos Chikito
Pos Chikito 100-A
584-0336

Nature's Discount Palm Beach
Palm Beach 6-D
586-0776

Habri di dialuna pa diasabra di 8:30am pa 6:00pm

Nature's Discount®
NUTRITION CENTER

Cas na candela:

E candela a resulta di ta un candela den mondi



Diadomingo den oranan di merdia polis y brandweer a bay Matadera pa un cas na candela. Di leu na altura di Tanki Leendert parti pariba bo por a wak huma grandi, y mas cu claro esey lo a pone hende


pensa cu ta un cas tabata na candela. A resulta cu tabata un candela di mondi pega cu e cas, y si nan no a actua e lo a pega e cas na candela. Brandweer a traha y domina e candela.

Kia picanto 2007



Power windows
power steering, standard
Ice cold air conditioning
Price :awg .5999
Vehicle in super good condition
Inside and outside
Call: 5694343

Cuidador di preso deteni pa viola un señora den su cas haya LIBER di tur acusacion

OPENBAAR MINISTERIE	
KENNISGEVING NIET VERVOLGING (SEPO?) art 207 WvSv	
arketnummer	: P-2015/09223
De officier van justitie te Aruba verwegende dat	
naam	: PEREZ
oornamen	: Reginald
eboren op	: te Aruba
vonende te	: Aruba
adres	:
verdacht wordt van overtreding van	
<ul style="list-style-type: none"> art 2:197_WvS van Wetboek van Strafrecht 	
van oordeel	dat op gronden aan het algemeen belang ontleend van vervolging wor afgezien;
gezien	artikel 207 van het Wetboek van Strafvordering;
geeft kennis	aan de verdachte dat hij, de officier van justitie, hem/haar niet vervolgen;
omdat er sprake is van:	
<ul style="list-style-type: none"> geen wettig bewijs (Code-2) 	
Aruba, 2 november 2015	
De Officier van Justitie.	
mr. C. D. Kardol	
	

Pa medio di e comunicado di prensa aki; ami Reginald E. A. Perez kier trece e siguiente declaracion dilanti.

Dia 13 di Juli 2015 por medio di un articulo di prensa di MasNoticia.com un "cuidado di preso deteni pa viola un senora den su cas". (2015, Masnoticia Aruba- Local) a wordo publica. Pa medio di esaki, mi persona kier tuma e espacio aki di tal forma pa claria mi nomber.

Mi persona a wordo deteni como sospechoso den un caso di violacion contra SULAIKA ROSETTA BAREÑO di 42 año di edad, habitante di Cashero. Segun su declaracion comunica riba Masnoticia. com ta wordo stipula cu mi persona, a presenta na cas di SULAIKA ROSETTA

BAREÑO sin su permiso y di e forma ei, viol'e sexualmente di un forma agresivo. Tambe ta wordo informa, cu rechercheurman a haya un grabacion di video caminda ta demostra cu mi persona a presenta na cas di SULAIKA ROSETTA BAREÑO riba e fecha di entrega di e keho.

Mi kier a trece pa dilanti, cu berdaderamente mi persona a wordo deteni pa 10 dia largo, 10 dia sin mira luz y sin por mira mi famia. Mi persona a wordo di schors pa 94 dia for di mi trabao pa Land Aruba y sin por eherce mi funcion.

E caso aki ta sumamente lamentabel, mirando e hecho, cu esaki ta trata di un aangifte falso y acusacionnan falso contra mi persona. Ta algo sumamente tristo,

cu tin miles di persona anualmente ta bira victima di e acto horendo di violacion sexual y pa na final tin hende cu ta haci wega cu e cosnan aki pa propio bienestar.

Dia 2 di november 2015, Ministerio Publico (Openbare Ministerie) por medio di su Officier van Justitie, mr. C.D. Kardol a ser declara cu mi persona a wordo prescendi LIBER for di tur acusacion hudicial-Resultando na art. 207 van Wetboek van Strafrecht.

Pa medio di esaki, mi persona kier a informa comunidad Arubano encunto di e keho falso cu SULAIKA ROSETTA BAREÑO a entrega contra mi persona; pa finalmente mi nomber wordo aclaria. Un danki na redaccion pa e espacio otorga.c.c. Vonnis

LIDER DI MEP, MR. EVELYN WEVER-CROES:

NOS TA CONMEMORA 30 AÑA DI STATUS APARTE

“UNION Y DETERMINACION TABATA E YABI PA EXITO”

Durante e prome conferencia di prensa di MEP pa aña 2016, lider di MEP a duna di conoce cu e aña aki ta uno hopi especial, en bista di conmemoracion di 30 aña di Status Aparte di pais Aruba.

“Ta hopi cos a pasa durante e 30 añanan di autonomia di nos pais. Na e momento cu Aruba a drenta su Status Aparte Aruba tabata tin su retonan economico pasobra Lago a dal su portanan sera net prome y hopi tabata esnan cu a scoge pa bay biba den exterior debi na e incertidumbre. Sinembargo tabata tin un union den nos pueblo y un determinacion pa haci di e Status Aparte aki un exito. E union y determinacion cu nos pueblo a demostra e tempo ey a haci di e Status Aparte un exito grandi, cu a trece hopi bienestar pa nos pais. Pero e exito, e union y determinacion aki no a bin sin mas, ela wordo inspira y guia door di un gran lider, Betico Croes (efm) pero lamentablemente el'a fayece un anochi promer cu nos a drenta nos status di

pais. El'a construi e cas pa nos por cria nos yiunan den libertad, el'a entrega nos e yabi, sinembargo, e mes no por a goza di e libertad aki.

Esnan cu a lucha hunto cu Betico, conoce e historia, sinembargo tin un generacion cu no conoce esaki. Esnan cu a bin biba na Aruba despues di 1986 tampoco conoce e historia di nos Status Aparte. E hecho cu cada biaha cu un Eman a goberna nos pais, a purba falsifica nos historia, tampoco a contribui pa e historia real di nos Status Aparte ta conoci ampliamente. Pesey ta hopi importante pa documenta e historia real di nos Status Aparte, y nos di MEP lo cuminsa traha riba esey awor mes. Esey ta nos compromiso cu nos pais.

Awe nos por mira cu Status Aparte a trece bienestar, progreso y prosperidad pa nos pais. Ohala cu e mesun sentimento di union y determinacion di e



tempo ey por inspira nos pa hiba nos pais atrobe riba e caminda di progreso.

Masha pabien na Aruba pa cumpli 30 aña di Status Aparte” ta palabranan di

lider di MEP Evelyn Wever-Croes

Kantoor di Abogado Nilo Croes

**Cu vacatura den
administratie
Si bo ta interesa:
Yama 5941402**

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

ANUNCIO


Cualkiera cu ta opina di por tin derecho den e propiedad nan menciona aki abao, ta ser suplica pa tuma contacto cu e notario suscrito prome cu dia 1 di februari 2016:

1. un tereno propiedad cu un grandura di 1640 m2, situa na Meiveld na Aruba, kadastral conoci como prome afdeling sección P number 306; banda noord di e T-kruising Meiveld/Cumana;
 2. un tereno propiedad cu un grandura di 1640 m2, situa na Meiveld na Aruba, kadastral conoci como prome afdeling sección P number 307; banda noord di e T-kruising Meiveld/Cumana
- cu e ruina, antes conoci como: Meiveld 13, 13-A y 15.

Explicacion: Pais Aruba ta haci un apelacion eventualmente ariba VERJARING (ta informa cu e propiedad menciona pa mas cu 10 (diez) aña bandona.

mr H.M. Rodriguez-Taekema
Notario
SUCU / De La Sallestraat 60
Oranjestad, Aruba
Telefon: 588-2400
Fax: 588-2500
E-mail: b.theysen@notarisrodriguez.com

Dande cu grupo di Chua Faro



E grupo di Chua Faro a pasa dande den bario di Noord y Paradera, manteniendo nos cultura di Aña Nobo.

Feliz Aña nobo di Zulay van Poppel-Marquez

Hilton Aruba ta sponsor calender parha 2016



Hilton Aruba Caribbean Resort & Casino ta e sponsor nobo di e kalender 2016 pa e fundacion 'Aruba Birdlife Conservation'. Sr. Greg y Albert Peterson a ricibi e prome ehemplarnan di e kalender di parha 2016 for di man di e Gerente General, sr. Olivier Maumaire. E kalendernan ta di calidad halto y a wordo geprint na Miami. Nan

ta na caminda pa Aruba y pronto lo ta disponibel pa tur amante di naturaleza na Aruba. Sr. Greg Peterson ta hopi contento cu e sponsor nobo y e calidad di e kalendernan.

Ta un placer pa mira Hilton Aruba Caribbean asumi nan posicion di duna sosten pa conscientizacion y conservacion di e

naturaleza di Aruba. Riba e potret di drechi pa robez por mira: sr. Jaap van Dam (Director di Operations), sr. Albert Peterson (di Aruba Birdlife Conservation), sr. Frances Archilla (Director di F&B), sr. Olivier Maumaire (General Manager) y sr. Greg Peterson (di Aruba Birdlife Conservation).

22 trabao di ARUBA DOET a wordo registra te cu awor

Voluntarionan por cuminsa registra pa duna un man!

Aña 2016 ta den bolter! Esey kier meen nos ta mas cerca di ARUBA DOET 2016. Te cu awor 22 trabao di ARUBA DOET a wordo registra. E trabaonan ta varia hopi por ehempel, traha cashi pa buki, sali bay come y baila cu nos grandinan, haci tereno di practica deporte limpi etc. Awor ta e tempo pa organizacionnan social pa registra su trabaonan. Organizacion social como fundacionnan, centronan di cuida, schoolnan, clubnan di deporte, scouts etc. por registra su trabao y por solicita pa un sosten financiero (max. afl 1.000,-) te cu diabierna 22 di Januari 2016.

Si ainda bo no sa kico bo organizacion social por haci durante ARUBA DOET 2016, bishita www.arubadoet.com y haya algun inspiracion. Si bo tin idea caba, registra e trabao riba e website, yena e peticion pa un sosten financiero y manda nos esaki. Riba e website por lesa e condicionnan tambe pa aplica pa un sosten financiero. Diabierna 11 y Diasabra 12 di MAART 2016 lo ta e dianan cu e accion voluntario mas grandi na Aruba lo tuma lugar. Si bo ta interesa pa participa como voluntario bo por registra. Via e website di ARUBA DOET,

Thank You for your support in 2015



Happy New Year

voluntarionan – resumen di trabao, (www.arubadoet.com/pap-aruba/node) bo por registra individual of como grupo di amigonan, coleganan etc. Pa mas informacion

tocante ARUBA DOET 2016 tuma contacto cu Mariëlle of Thixianne na 582-7666 of manda nos un email na info.arubadoet@gmail.com Ademá nos kier a gradici

e henter comunidad pa boso sosten durante aña 2015 y nos ta desea boso tur cos bon pa aña 2016.

MEP tabata bon representa den reunionnan Tripartite na Sint Maarten



Dialuna Parlamentarionan Ady Thijsen, Glenbert Croes y Xiomara Ruiz-Maduro di MEP tabata presente den e reunion Tripartite na Sint Maarten hunto cu coleganan Parlamentario di Corsou y Sint Maarten. Durante e dia a trata diferente tema di interes pa e Paisnan presente. Entre nan, oportunidad economico den Reino, pago di debe di estudio DUO, reduccion costo di roaming entre e Paisnan den Caribe Hulandes y e geschillenregeling den caso di disputa den Reino.

Oportunidad economico

Entre otro a toca e tema di oportunidad economico den Reino den cual e

proyecto di fast ferry dentro di poco lo bira realidad pa asina bin transporte cu ferry entre Aruba, Curaçao y Bonaire den e prome fase. Remarcabel ta cu durante e presentacion di e proyecto a sali na cla cu ta for di e waf di e refineria e fast ferry lo opera. Algo cu a trece e pregunta cune ta con Gabinete Eman kier logra re - apertura di e refineria si kier usa e waf pa e fast ferry y mas bien ta confirma e duda cu ta existi cu si di berdad Gabinete Eman kier logra re - apertura di e refineria

Debe di DUO

Tin hopi ex - estudiante cu ta confronta problema ora di paga e debe di estudio haci na Hulanda via DUO. Pesey a busca manera

pa yega na aregionan pa facilita e pagonan cu mester wordo haci. Durante e reunion a sali na cla cu hopi ex - estudiante ainda no a haci peticion pa e aregionan aki y cu kizas mas informacion mester wordo duna riba esaki.

Baha gasto di roaming

Un punto di agenda tambe ta pa e Paisnan purba yega na un areglo pa baha e gastonan di roaming. Aki a sirbi como ehempel e Resolucion di Cartagena presenta na Parlatino na November ultimo den cual e Paisnan a dicidi pa traha hunto pa por logra baha e gastonan di roaming pa nan ciudananon ora di viaha na e Paisnan cu cera acuerdo cu otro.



Geschillenregeling

E punto kizas mas importante y cu mas a wordo discuti ta e geschillenregeling pa ora cu tin un disputa den Reino. For di basta tempo caba MEP tabata boga pa un geschillenregeling asina caminda cu un organo imparcial ta evalua e decision tuma pa e Gobierno di Reino. Na ocasion di 10-10-10 mes Parlamentarionan Thijsen y Wever a entrega un amienda den cual a existi e geschillenregeling aki. A tarda 5 aña prome cu e

fraccion di AVP a realiza su necesidad y awor a bin para banda di MEP pa boga pa e geschillenregeling aki. Mester remarca cu si nos tabata tin e geschillenregeling aki caba, ya nos por tabata tin e confirmacion cu Gobernador a actua corectamente y cu Minister Eman a merece e KB pa su mal gobernacion.

Tur e puntonan aki lo wordo discuti den e siguiente dianan, hunto cu parlamentarionan di Hulanda.

DRS. BOOSHI WEVER DI UPP:

AWOR MAS CU NUNCA MESTER BIN UN UNION PA MARA MAN DI E POLITICO!!

Den e ultimo dianan di aña 2015 y den e prome dianan di aña 2016, nos por a tuma nota cu e maquinaria di propaganda di e gobierno di AVP a bin cu un avalancha di "bon noticia".

Ta parece cu gobierno ta den un desesperacion total. Prome ta bin cu e noticia di un asina yama "Heads up Agreement" cu casi no ta diferente cu e MOU cu a ser firma un paar di siman pasa.

Y pa completa e obra maestro di manipulacion, ta notifica e pueblo durante e ultimo dianan di 2015 den un conferencia di prensa yamá cu caracter di URGENCIA - y na unda un solo periodista comprometi a wordo invita - e gran noticia cu lo bin cu un descuento di 10% riba tarificanan pa coriente. Tur esaki sin menciona cu for di 2009 continuamente tabata aumenta e tarifa di awa y coriente. Remarcabel aki ta cu un paar di siman pasa tanto WEB como Elmar a bisa cu nan situacion financiero no ta mucho di gaba. Y awor diripiente ta bay duna un regalo cu lo bay costa e companianan estatal 15 milyon florin pa luna (180 milyon pa aña). Rara, con esaki ta posibel?? E



directornan di tanto WEB como Elmar debe pueblo un splicacion.

Alavez gobierno a anuncia cu e aña 2016 lo ta uno super positivo pa Aruba y pa e pueblo Arubano. Ohala esaki ta berdad, pa asina ey, nos pueblo por wordo alivia di e medidanan cu ta masacrando nan. T'asina anto cu nos mester sinta man cruza pa loke ta trata e Mal Gobernacion di e gobierno aki? Nos ta kere cu awor mas cu nunca nos mester haci nos maximo esfuerzo pa yega na un Union cu e intencion pa firma un Compromiso Nacional na unda lo mester introduci reglanan estricto di "Good Governance"! Hopi lo puntra dicon mester bin cu reglanan di "Good Governance" si

cos ta bon?? Nos refinaria a habri, nos tin gas den nos subsuelonan, nos turismo ta creciendo enormemente, tur esaki segun e PR di e gobierno di AVP.

Wel, e motibonan ta obvio. Nos mester djis mira kico ta sosodiendo 17 miya pazuid di nos isla. Ta conocí cu nos bisña ta un di e paisnan mas bendiciona cu rikezanan natural, y nos tur sa kico ta e situacion cu e pais ta pasando aden y con e pueblo ta sufriendo. Gobiernonan a haci y deshaci y a kere cu nunca placa lo caba cu nan y cu nan por a sigui hunga "sinterklaas" pa eternidad. Pakico esaki por a yega asina leu? E contesta ta hopi facil: NO tin reglanan di "Good Governance".

NO tin transparencia; corrupcion ta na ordo di dia; patronahe politico ta algo comun; organo- y empresanan ta ser usa pa metanan exclusivamente pa favorece esnan cerca di e gobernantenan. Organonan cu ta suposed di ta independiente, ta totalmente politizá. Prioridadnan ta ser poni robez, cu e consecuencia cu entre otro pobreza ta aumenta, enseñanza ta wordo negligisha y criminalidad ta azotando e pueblo, etc. etc.

Na Aruba ya caba nos ta sintiendo e mesun cosnan aki caba.

Ta p'esey ta esencial pa prome cu ta laat, bin cu e reglanan di "Good Governance". Nos ta consciente cu e trayecto lo no ta facil, pero si realmente nos kier papia di "SOSTENIBILIDAD" den desaroyo humano, anto nos mester cuminsa traha riba esaki. Y nos no mester bay inventa e wiel. Ya caba Nacionnan Uni tin tur cos "in place" pa yuda na yega e ideal aki.

E unico ingrediente necesario ta "BOLUNTAD" di e propio politico pa mara man di e politico. Nacionnan Uni tin un cuadra pa duna contenido

di kico ta un situacion ideal pa yega na "Good Governance".

Esakinan ta: - Transparencia - Responsabilizacion tanto den e sector publico como den esun priva; - Participacion di tur hende; - Reglanan di ley y enforzamento di esakinan; - Igualdad y inclusion; - Reactivo; - Mester busca consensus; - Efectivo y eficiente.

Cada un di e 8 puntonan aki lo garantiza e sostenibilidad humano, cu na su turno lo percura cu e pueblo den su totalidad lo wordo beneficia, y no djis un grupito. Y si realmente nos kier ta merecedor di tin nos Status Aparte original back, nos mester yega na e UNION pa den un Compromiso Nacional garantiza cu nos rikezanan lo ser reparti na un manera husto, y cu e pueblo den su totalidad lo por goza di esey, sino ta un grupito atrobe lo ser beneficia.

Haciendo esaki, nos lo caba tambe cu e discusionnan eterno riba friends & family, riba tanchi y ompi, etc. etc.; e ora ey e discusionnan lo ta riba "issues"!!

Supuesto auto cu a bolter den Rooi Frances

Diasabra atardi patruya a wordo manda na e caminda di Rooi Frances cu ta bay Wela pa un auto cu a bolter.

Polis a yega y a haya unicamente un Hyundai Accent cara panort den algun mata pariba di caminda. E chauffeur un dama a perde control y baha caminda. E no tabata herida.



Subway Platters ta perfecto na cualkier momento



wraps di Subway ta traha cu e ingredientenan di mas fresco y asina bo tin sigur di ricibi e mihor calidad. Den e Subway Sub Platter bo ta haya 21 pida pan pa 82,80 Florin. Den e Subway Wrap Platter tin 16 pida wrap pa 72,45 y den e Subway Cookie Platter ta bin 36 koeki di e variacion unico y delicioso pa solamente 36,23 Florin. Tur e prijs fabuloso aki ta inclui caba BBO.

Platters di subs (pan) of di wrap ta traha den un combinacion di Subway su dushi beleg, tuna y tambe crab. Asina ey tur hende ta haya algo na nan smaak. Pensa riba un combinacion di subs y buscuchi of wraps cu buscuchi. Sigur algo cu tur hende lo keda bariga yen y curazon contento cune! Probecha pasobra e Subway Platters ta perfecto pa cada momento special. Yama awe e Subway cu ta mas cerca di bo y pidi esun di bo. Corda cu bo ta haya un Subway na Cura Cabai (5844377), Dakota (5833877), Paradera (5821077), Santa Cruz (5851277), Seaport (5834177), Alhambra (2801277) y Palm Beach (5860277) habri di 7:30am te cu 11:00pm di dialuna pa diadomingo. Tambe por yama nos oficina di dialuna pa diabierna entre 8am y 4:00pm na 5827878. Subway Platters ta perfecto na cualkier momento!



Un biaha mas Subway ta complacé e deseo di su clientenan y ta bin cu e campaña perfecto. Despues di un temporada di fin di aña

cu asina tanto celebracion y comemento, ta ora pa trata e curpa y e cartera mihor. Subway ta ofrece bo e mihor opcion cu su Platters cu ta e

SUBWAY[®]

eat fresh.

alternativa mas saludabel, practico y economico. Un aña nobo a cuminsa y hunto cune tin hopi plan. Bo por confia cu Subway ta bo aliado pa yena stoma na veld despues di training, na oficina durante un reunion, pero tambe pa e anochinan largo di trabao pa Carnaval of djis pa haci bo bida mas

facil na bo siguiente fiesta of celebracion na cas. Subway ta brinda bo tres diferente opcion pa scoge di dje of haci e combinacion cu mas ta cumbini bo. Djis yama bo sucursal di Subway mas cerca un ora prome cu bo ta desea di busca e platter y na lo tin esaki cla pa bo. Manera semper, e pan y

Un Mainta Diferente **Top 95**

Lyonel Dirksz



Tur dialuna pa diabierna di 9or di mainta pa 12or

Un Mainta Diferente
Pa alegre bo mainta cu motivacion, salud, noticia, farandula, humor, musica, hopi premio y topiconan intresante.

Polis a rondona saliña na Bakval pa personanan den auto horta

Diasabra den oranan di atardi un persona a sigui un Suzuki jimmy jeep blanco cu a dal su vehiculo. Tabata tin 3 persona den e jeep aki.

El'a sigui e auto y notifica Polis di e sucedido. Patruyanan policial di biaha a yega area di Bakval y a rondona e saliña tanto pabao y pariba. Nan a mira movcion di e tres sospechosonan. A resulta e jeep cu nan tabata core aden cu a dal un otro vehiculo, ta di joyriding.



Brommer a dal tras di pickup na Shiribana



Riba caminda na Shiribana diabierna anochi a sosode un accidente entre pickup cu un brommer. E manehador di e brommer a resulta herida. Ambulance

a acudi na e sitio pa atende e victima. Patruya di departamento di trafico tambe tabata na e sitio pa tuma datos di e accidente.

RESULTADO DIALUNA 4 JANUARI DI MERDIA



Sorteo # 1378

3801

8206

9623



Sorteo # 1378

8691



Sorteo # 1378

8065

Leo

LOTTO DI DIA 08-11-16-21-29

DIARIO

6328

4925

7885

SUPER 4

RESULTADO DIALUNA 4 JANUARI DI ANOCHI



Sorteo # 5765

8565


5931

6006



Sorteo # 4809

8585



Sorteo # 3568

7781

Scorpio

CORSOU

1336

1688

3995

2971

15 persona deteni durante fakkel y Polis a cera 3400 florin na multa



Un total di 15 persona a keda deteni durante fakkel riba 2 Januari. E tabata un parada di alrededor di riba 6000 hende riba pia. E parada a sali pa pa 8:07 y e cabez a yega 12'or na e rotonde na altura di Banco di Caribe. E last lap pa 1:30 marduga tambe a yega su final. Polis tabata

man yen cu detencion di personanan bao influencia di alcohol cu no tabata mantene orden y ni sigui polis nan instruccion. Tur e detenidonan a keda hiba warda di Shaba. Polis tabata tin 3400 florin na multa cu 15 persona deteni.

2016 a cuminsa cu "Super Weekend": Aeropuerto di Aruba a procesa mas di 27.000 pasahero y mas di 350 movecion di trafico aereo Excelente cooperacion entre sector publico y priva



Aruba Airport Authority N.V. (AAA) a cuminsa 2016 di un forma positivo considerando e cantidad di pasahero y movecionnan di trafico aereo cu a wordo procesa den e prome fin di siman di 2016, conoci como "Super Weekend". E prome fin di siman despues di Aña Nobo historicamente ta e temporada mas ocupa pa trafico di pasahero na Aeropuerto Internacional Reina Beatrix mirando e cantidad di pasahero cu ta yega y sali for di Aruba despues di e temporada di fin di aña.

Naturalmente, un fin di siman asina druk a rekeri bon planificacion y coordinacion entre tur stakeholder, departamento y empleado na aeropuerto. E esfuerzonan haci prome cu e fin di siman aki en particular a duna resultadonan hopi positivo, mirando e hecho cu aunke tabata un fin di siman hopi druk unda cu a atende en total

27.250 pasahero y 363 movecion di trafico aereo (tanto avionnan priva y comercial) den e periodo di 2 dia, e operacionnan a mantene e nivelnan mas halto di seguridad, hunto cu procesamiento di pasahero eficiente y efectivo, resultando den un experiencia positivo pa e miles di personanan viahando door di nos aeropuerto. E resultadonan aki ta tuma un cantidad tremendo di coordinacion, planificacion y compromiso di parti di un cantidad di partner di aeropuerto y e resultado di e fin di siman tras di lomba no lo por tabata posibel sin e esfuerzonan di US Customs and Border Protection, Imigracion Local (IASA), Departamento di Border Police na aeropuerto, Douane di Aruba, Air Navigation Services Aruba N.V. (ANSA), Aruba Tourism Authority (ATA), e aerolineanan, e ground handlernan, Departamento di Transporte Publico

(DTP), e taxistanan, operadornan di concession y F&B, ASAP Services, Total Services, Valero, Universal Aviation FBO, Flexo, Aruba Security and Crime Prevention y e ekipo di AAA entre otro.

CEO di AAA Sr. James Fazio a comenta riba e Super Weekend bisando: "E ingreidnte principal pa e Super Weekend exitoso ta e teamwork door di tur e partnernan di aeropuerto. Tambe, e ultimo ekiponan tecnologico cu a wordo poni na aeropuerto a yuda tremendamente pa atende e cantidad di pasahero den tempo record. E tabata impresionante pa mira cada empleado bay e extra miya pa sigura e servicio adecua na nos pasaheronan y mi kier gradici cada un persona cu a haci un diferencia durante e Super Weekend! E ta impresionante kico por wordo logra cu e focus y compromiso corecto. Bon trabao tur hende!"

Chauffeur coriendo auto sin documento, a keda na pia



Na final di Bernhardstraat na altura di e pompstacion patruya di San Nicolas diasabra atardi a para un auto sospechoso cu persona aden. A constata cu e chauffeur no tabata

tin ningun documento di e auto. No a ristra ningun persona pero si e auto a keda tuma den beslag te ora cu presenta cu e papelnan na ordo. E personanan a keda na pia.

Habitante cu slang den man pa un candela di mondi menazando su cas

Diahuebs atardi prome cu aña nobo habitante di Paradera a tuma nota cu tin un mondi na candela y cu esaki ta basta grandi. E candela aki tabata menaza su cas y e habitante a pasa man pa e slang y cuminsa paga e candela. Mientras cu unidad di bombero a yega na e sitio basta liher, nan a drenta accion y a logra domina e candela aki completamente.



Auto di huur a pega candela

Diamainta turistanan cu un auto di huur Nissan Tiida a haya susto di nan bida ora a constata cu e auto tabata sacando huma. E auto tabata staciona pazuid di Royal Plaza den e parkeerplaats cu e mall. Di biaha unidad di bombero a keda despacha pa e sitio. Na yegada di e unidad di bombero, nan a drenta accion y domina e candela aki. E motor a kima por completo.



Turista den jeep a dal peaton cu a cruza nan dilanti



Dialuna prome cu 8'or di anochi riba caminda grandi di Pos Chikito na altura di Rey Hing un peaton masculino a keda gedat pa un auto. Polis y ambulance cu urgencia a keda manda debi cu e homber tabata basta herida. Pero testigonan a duna di conoce cu e homber aki a yega y cruza caminda dilanti di e jeep. Mucho e no por a haci pa evita e dalmento aki. Paramedico a atende cu e victima y cu urgencia a transporta e homber herida pa hospital pa haya atencion medico di biaha.



PASCO DEN BARIO, UN EXITO ROTUNDO

PERO SI, FALTA ASFALT RIBA E CAMINDANAN DI TERA, UNDA TIN E HOYANAN DI LUGARNAN AKI CU MILES DI LUZNAN BRIYANDO

Pa lunanan largo, diferente school, organizacionnan, gruponan, misanan, comerciantenan y famia nan tur ta reuni y ta usa hopi energia pa dorna nan casnan, bario, misa y lugarnan, pa e dianan di fiesta cu ta casi tras di lomba atrobe. Cu un bon curazon nan tur kier cumpli atrobe cu e deseo di e pueblo cu ta di fiesta di e nacemento di Niño Hesus. Pasobra ta un aña largo e pueblo ta warda pa bolbe mira e luznan di Pasco briya den e barionan di Aruba. Miles di autonan, tour busnan y taxi nan tur yen di hendenan ta yega n'e lugarnan aki cu smile riba nan cara.

Esaki ta un momento pa nos por lubida tur cos un rato y ta leu fo'i cas, leu fo'i trabao, y goza e vakantie di school pa keiro un rato cu e famia den e barionan di Aruba y sigui e tradicion di tur aña, ma tambe pa keda cu un bon recuerdo di e aña 2015. Por a mira con, cada un di e hoyanan aki tabata tin un dushi ambiente di Pasco cu semper Aruba a conoce, compaña pa e gruponan cu musicanan alegre, sin falta e snacks y bebidanan cu tambe ta baha na smaak. Y semper esnan cu ta goza mas tanto di e luznan di Pasco ta, e muchanan chikito, compaña pa nan mayor- y amigonan y cu nan wowonan hancho habri, briyando di felicidad pa mira cada detaye y e luznan tambe. Gobierno tambe semper tin parti di e exito total aki y ta zorg pa e compania- y fundacionan drecha e rotonde bunita pa nos. Y asina e lusnan di Pasco a briya manera nunca y nos tur a disfruta

di nan. Un pabien grandi na tur y e pueblo tambe cu a asisti na nan y e Gobierno tambe. E temporada di fiesta di Pasco tabata bon pa nos economia di Aruba. Pero e unico cos cu si ainda falta ta, pa Gobierno drecha algun di e camindanan di puro tera of cu asphalt kibra, unda tin e luznan di Pasco aki. Por ehempel na Santa Cruz tin un cantidad di lugar- y casnan tambe cu yen di luznan dorna riba un solo ruta largo na Jan Flemming, cu ta cuminsa bon cu asphalt, pero ora di sigui bay ariba e ta yega un hanchi small di tera cu ta sigui te sali riba caminda pa e siguiantenan luznan na Wara Wara etc.

Ta hopi bon pa duna balor na e joyanan grandi nan aki y asina yuda e proyectonan aki cu, pa añanan caba nos hendenan ta prepara pa nos bin goza di nan. Y cada aña nan ta bira mas bunita tambe. Pesey si Gobierno por pone klinker tambe rond di tur e lugarnan aki pa nos por cana tranquil hunto cu nos grandinan y esnan den rolstoel tambe por bin bishita luznan di Pasco. Pesey otro aña nos ta spera di mira e camindanan aki specialmente esunnan di teranan, cu e asphalt cu algun klinker pa nos sigui cu nos tradicion dushi di luznan di Pasco y sigui haci cada aña un exito rotundo. Di antemano nos ta gradici Gobierno pa cumpli cu pueblo su deseo, di cual e hende nan ta organiza yen di Amor pa nos goza dushi hunto cu nan. Y ta desea tur hende ainda un Bon Pasco y un Prospero Aña Nobo, yen salud.

Cancion nr. 1 di Aña pa Top 95

Buleria Tommy Lee - Laganan yama bo cayente



1. GRUPO DI BAILE INF/HUB FOLKLORE: GUCCI DANCERS
2. GRUPO DI BAILE INFANTIL - KIDS 2 KIDS
3. SCOL DI TALENTO: CHAZ TALENT SCHOOL
4. BANDA REVELACION 2015 - COSA BUENA ARUBA
5. SOCIAL MEDIA STAR - GHILMER CROES
6. FAST FOOD RESTAURANT - WENDY'S
7. PROYECTO HUBENIL - GOOD 4 THE NEIGHBORHOOD
8. CANCION GOSPEL 2015 - GIG ARUBA "DRECHA MI CURASON"
9. PRODUCCION MUSICAL DI AÑA - RESONA
10. PRODUCCION VIDEO CLIP MUSICAL- JEON (AMANECER)

#1 Tommy-Lee Halman
CANCION DI AÑA 2015
-LAGANAN YAMA BO CAYENTE-

TOP95 PRESENTA PA LYONEL DIRKSZ



30 December manera
 custumber Radio Top
 95 ta presenta su
 conteo di cancionnan
 di mas grandi di aña
 combina cu diferente
 reconocimiento di aña
 2015. Lyonel Dirksz
 pa 7 aña ta presenta e
 contenido di cual ayera
 un vez a haci esaki den
 un transmision cu a dura
 como 15 ora den aire y
 finalmente yega Nr.1
 cu a keda pa Buleria
 Tommy Lee -Laganan

yama bo cayente.

Tommy Lee den su
 prome entrevista na
 e radio tabata masha
 contento y agradeci
 tur su fanatico y a bisa
 cu den 2016 lo tin hopi
 mas di Buleria Mama
 Mia...Pabien tambe na
 tur esnan cu a haya un
 reconocimiento special
 den e programa....

**PUEBLO A HAÑA SU
 PEN BEK**

Pa kualkier informacion
 solodipueblo@gmail.com
 of
 ☎ 585-9500



**Prijs di bari di
petroli Mundial:**

Us\$ 37.28

Prijs na Aruba:

**US\$ 90.00
(hedging)**

Diamars


**5 Januari
2016
Bon aña!**

Mike a lubida riba varios punto importante den su discurso nacional....

Hopi hende a comenta cu Mike a lubida di adresa e puntonan aki:

- El'a a papia di Roberto Rincon, y e \$ 200.000 horta di Pdvsa cu a wordo laba den campanja di Avp?
- El'a papia di e Debe Nacional? Cu el'a redobla?
- El'a papia di e BBO cu ela aumenta/redobla? Di 1.5 pa 3.5% ?
- El'a papia di e gasto di Serlimar pa recoge sushi 325 fl ?
- El'a papia di medida di parkeer meter na Oranjestad y desde Maart na Palm Beach Plaza?
- El'a papia di e ola di criminalidad azotando nos pais? Cu crimennan horroroso? Tiramento, morto, kapmento di man afor, drive by shooter, curpa kima carboniza.
- El'a papia di e servicio medico, cu recien a ocasiona un morto? Y cu tin centenares di hende unhappy cu servicio medico y di hospital?
- El'a papia di hedging? Cu rond mundo, pueblonan tin alivio, cu prijs barata di coriente danki ne prijs abao di petroli? Y cu na Aruba nos keto bay ta pagando un overprice di 50% ?
- El'a papia di e 4 casinonan cu ta coriendo cabez di gay pa cera porta?
- El'a papia di e daño grandi causa na Cultura? Pone Dande prome cu Pasco y pone Fakkkel riba dia di Dande? Cosnan nunca antes visto!
- El'a papia di e respet cu Aruba a perde internacionalmente cu e rapportnan di Fitch, Standard & Poor y Imf, cu tur di nan, bao di su gobierno a downgrade Aruba? Baha Aruba di nivel, di un gobierno serio pa gobierno mediocre?

Wel, nos a asumi cu sigur e lo a sa di adresa tur e puntonan aki di e pior crisis di nos pais; su 6 aña den gobierno! Sinembargo, nos tabata equiboca, pasobra riba ningun di e puntonan aki, e no a bisa NADA!



**Ken a paga hotel
na Houston pa
delegacion di
Aruba? Unda e
recibo ta? Rincon
a paga ?**



Noticia di polis

Ladronia den cas na San Nicolas

Diasabra, pamas of menos 12'or y 33 di madrugada, Central di Polis a dirigi un patruya na un adres den Hildebrandtstraat pa un melding di ladronia. Na e sitio a papia cu e homber E., kende a declara cu desconocidonan a drenta su cas. Kehó a wordo tuma.

Hit & Run riba parkinglot di Benihana

Diasabra, pa mas of menos 1'or y 1 di madrugada, Central di Polis ta manda patruya na Benihana pa un incidente. A papia cu e dama JMW, kende a declara cu diabierna, pa mas of menos 3'or y mey di atardi, el a laga su auto na yabi y intacto riba parkinglot pariba di Benihana Restaurant. Pa 6'or y mey di atardi, el a bay wak su auto y e tabata intacto. Ora cu el a bay na su auto pa 12'or y 10 di madrugada, el a wak cu su spiel banda robez tabata kibra. El a duna keho y recherche a wordo manda pa sigui trata e caso.

Problema cu cacho na Cura Cabay Noord

Diasabra, pa mas of menos 5'or y 56 di atardi, Central di Polis ta manda patruya na un parcela na Noord Cura Cabay pa un molester di cacho. Na e sitio por a mira cu e habitantenan di dicho cas no kier a ni sali for di cas, mirando cu tabata tin 3 pitbull riba nan tereno. Ora cu polis a sali for di auto, e tres cachonan a bay den nan direccion y kier a morde nan. Un rato

despues e cachonan a cana bay y a drenta cura di un parcela na Mabon. Doño di e cachonan a wordo atendi y a mustre riba e consecucionan. El a muestra comprension y a bay busca su cachonan cu su auto.

Baranca tira den bentana di Burger King

Diasabra, pa mas of menos 7'or y 22 di mainta, polis a bay Burger King den Caya Betico Croes, den cuadro cu un kiebro.

A papia cu e gerente e homber S., kende a declara cu desconocidonan a tira un piedra door di e vitrina situa banda pabao. Kehó a wordo duna.

Kiebro den auto na Tanki Leendert

Diasabra, pa mas of menos 8'or y 19 di mainta, Central a dirigi patruya na un cas na Tanki Leendert pa kiebro di un auto. Na e sitio a papia cu e dama C.A., kende a declara cu desconocidonan a kibra drenta den auto di compania. Kehó a wordo tuma.

Menaza di pelea den Nijhoffstraat

Diasabra, pamas of menos 9'or di mainta, Central di polis ta manda un patruya den Nijhoffstraat, na caminda pa KIA pa un menaza di pelea. Patruya a controla den e caya, Golfweg y vecindario, y no a nota nada particular.

Ladron a bishita school

Diasabra, pa mas of menos 9'or y 15 di mainta, Central di Polis a manda patruya pa Kukwisa School pa un caso di kiebro. Desconocidonan a kibra e slot y a kibra e porta di e container. Fuera di esey nan a bay cu algun herment. Kehó a wordo tuma.

Boutique a haya bishita di ladron

Diasabra, pa mas of menos 9'or y 40 di mainta, Central di Polis ta manda patruya na Eva Boutique pa un caso di ladronia.

Na e sitio a papia cu e dama H., kende a declara cu desconocidonan a purba di kibra den e lugar. Kehó a wordo tuma.

Pitbull no ta laga habitantenan sali for di cas

Diasabra, pamas of menos 10'or y mey di mainta, Central di polis a dirigi un

patruya na un parcela na Noord Cura Cabay pa un asistencia. Na e sitio a papia cu e dama C., kende a declara cu e cachonan ta di su bisña cu ta biba na Mabon. Den cuadro cu esaki, a bay na e cas, pero no a topa ningun hende na cas.

12 mil florin horta for di kluis den Cinema

Diasabra, pa mas of menos 12'or y 4 di merdia, Central di Polis ta manda polis ta manda patruya pa un mall pa un intento di ladronia.

Na e sitio a papia cu e homber S. Kende a declara cu diasabra, pa mas of menos 3'or di mainta, e supervisor a laga tur cos intacto y na yabi. Riba e mesun dia, 11'or y 55 di mainta, el a bin na e cinema y a bay controla e di dos piso y por a mira cu e porta tabata forza.

Den e oficina e por a mira cu nan a forsa e kluis y a bay cu un suma di mas of menos 12 mil florin. Recherche y departamento tecnico a wordo poni na altura.

Doño di auto a bin topa cu su auto

Diasabra, pa mas of menos 2'or y 10 di merdia, Central a dirigi un patruya den Spinozastraat na altura di e watertoren, caminda cu doño di un Daihatsu Feroza, color shinishi, lo a bin topa cu e auto, despues cu esaki a keda horta.

Na e sitio a bin topa cu e homber W., kende a declara cu e ta e doño y a muestra e documentonan necesario pa demostra esaki. Ora a controla esaki, el a nota cu e falta e bateria, e radio, e carburator-air filter y algun documento mas.

Ladronia un biaha mas riba beach

Diasabra, pa mas of menos 12'or y 45 di merdia, Central di Polis a manda patruya na un hotel grandi pa un caso di ladronia.

A papia cu e dama LR, kende a declara cu su tas a wordo horta for di bao di palapa. E pareha hunto cu testigonan a bay sigui e auto y na altura di e señal di I Love Aruba, nan a bin haya e tas benta riba caminda, faltando e celular y placa. Kehó a wordo tuma.



Angelo Emerenciana ta haci denuncia contra trato “fresco” y hortamento di botter di Oldparr na Airport di Aruba

Via di Facebook, SOLO DI PUEBLO a capta un denuncia hopi serio contra di Pais Aruba.

Ta trata aki di un persona cu no ta biba na Aruba, pero mester pasa Aruba di transito pa asina e sigui pa Medellin Colombia.

Ora cu el'a baha na Curacao, ela cumpra dos botter di Oldparr. Ora el'a yega Aruba e persona aki ta duna dos keho:

1) Un security di Airport cu no sa manera di trata hende y cu ta grita turista manera cacho y 2) E ta reclama su dos botternan di Oldparr cu el'a cumpra na Curaçao, unda e tabatin su recibo y ambos botter ta completamente cera. Aki Solo di Pueblo a capta e comentario cu Angelo Emerenciana a duna via Facebook!

"Hopi mal servicio na Aruba International Airport security. Nos a sali



Angelo Emerenciana

Hopi mal servicio na aruba international airport security. Nos a sali ku 1 ora di retraso for si boneiro ku destinasho aruba medellin. Yegando aruba avion no por a baha paso pista di airport tabata sera paso un avion a konfronta problema riba pista. Nos a wordu desvia pa curacao. Na momentu ku mi a disidi di kumpra 2 botter di old parr ku a wordu di seal. Paso mi a pensa ku mi lo no hanja tempo pa kumpra na aruba. Ora nos a jega security un mr ta bisa ku nos no por pasa cu nan. Mi ta bisa ku mi a kaba kumpra nan. Ata mi bon y asta nan ta di seal. E ta bisa ku no por. Laga e bay puntra e supervisor. E mr a bini bek y bisa ku no por. Mi ta pidi pa papia ku e supervisor. Ta sali un senora tras di machine ta grita ku mi a bisa no por bay ku nan ta Regla bla bla. Shon esey no ta manera di atende ku pasahero. Mi ta kompronde regla. Pero e way di cacho ey si mi no ta kompronde. Mi ta kere mihor SERA tur duty free. Spera por hasi algu ku e kaso nan aki. Endy Croes Yandra Paulborn Thulan Melaan Chynesta Cornelia Liesje Saragoza-Martinus Jo-Ann E. Thielman

cu 1 ora di retraso for di Boneiro cu destinacion Aruba Medellin. Yegando Aruba avion no por a baha paso pista di airport tabata sera pasobra un avion a confronta problema riba pista. Nos a wordu desvia pa Curaçao. Na momento cu mi a dicidi di cumpra 2 botter di Old parr cu a wordu geseal. Pasobra mi a pensa cu mi lo no haya tempo pa cumpra na Aruba. Ora nos a yega security un mr ta bisa cu nos no por pasa cu nan. Mi ta bisa cu mi a caba

cumpra nan. Ata mi bon y hasta nan ta di seyal. E ta bisa cu no por, laga e bay puntra e supervisor, e mr a bini bek y bisa cu no por. Mi ta pidi pa papia cu e supervisor, ta sali un senora tras di machine ta grita cu mi a bisa no por bay cu nan ta Regla bla bla. Shon esey no ta manera di atende cu pasahero. Mi ta kompronde regla. Pero e way di cacho ey si mi no ta kompronde. Mi ta kere mihor SERA tur duty free. Spera por haci algo cu e casonan aki.



Accidente na e luznan di trafico na Palm Beach

Diabierna mainta altura di e luznan di trafico na Palm Beach pariba di Mc Donald a sosode un accidente den cadena di biaha unidad policial a acudi na e sitio y topa cu tres auto. Mantene distancia y velocidad a causa e accidente aki y ningun persona a resulta herida.



Laga Solo di Pueblo cubri bo celebracion, bo fiesta, b-day, of casamento!
Yama nos fotografo na:
748-3293

Partido ABO: Bon aña, pa ken?

E aña bieu a cera y e aña nobo a habri cu e mesun cantaleta di propaganda politico, pa sconde e berdad di pueblo y asina trata di laga pueblo lubida un biaha mas riba e realidad amargo di tur dia y e decadencia social y moral di nos sociedad.

Despues cu e minister di Energia a hinca e pueblo den un debe adicional di 300 miyon florin, cu su aventura di 'WEB-hedging' y cu el'a aumenta e prijs di awa y coriente cu 15%, awor e minister kier bay hunga e papel di 'e bondadoso'. E minister, despues di su show di 'CITGO y e supuesto reapertura di refineria', dia 31 di december ta anuncia un reduccion di 10% di e prijs di awa y coriente na februari. Gran cos, minister! Kisas e minister a lubida cu ainda WEB y ELMAR a keda cu 5%. Pues ki reduccion? Banda di esaki, pueblo no ta beneficia di e caida continuo di e prijs di crudo, cu awe ta na US\$ 36. Pa complementa su obra 'bondadoso' di tira pinda pa pueblo, e minister ta publica den algun medio di comunicacion un pagina full na color di proyectonan ya anuncia y cuestionabel bou di e titulo 'E aña di oportunidad'. Dus pa esunnan cu no a ripara, e campaña electoral a cuminsa, cu defacto nunca a termina. E pregunta ta, ki dia pueblo lo ripara cu e tipo di maniobranan asina ta nada mas cu un repeticion continuo di e mesun proyectonan dudoso, cu tin e unico meta pa laga pueblo kere cu tur cos ta bon. E 'establishment politico' semper a uza e tacticanan di propaganda aki, pa por keda na poder y asina e enriquecimiento personal y e destruccion di e pais por sigui. Shonnan, Aruba ta bancarota, politicamente dividi, conoce hopi pobreza y e tin un monton di problemanan social cu ni un pagina full na color di propaganda politico, por tapa.

Algun ehempel di e problemanan social cu a

sosode solamente den e ultimo dianan:

- Hortamento di AWG. 30.000 for di un cas di un oficial di polis y AWG. 12.000 for di 'The cinemas';
- Hortamento y destruccion na un scol;
- 15 hende deteni durante e evento di 'Fakkel', mucha di 15 aña cu kier a drenta KIA cu droga, mucha di 15 aña cu ta 'joyride' un auto y un mama di 15 aña. E number 15, por tin algo cu e aña 2015?
- Ainda autoridadnan no por haya 'Yellowman' cu a mata un persona cu arma;
- Un homber mata y kima haya den bahul na 'Franse Pas';
- Auto haya pata pata cu arma na momento cu polis a bay aresta algun hende cu kier a drenta Aruba ilegal atrobe.

Pero mientras cu tur esaki ta sosode, nos gobernantenan ta scoge pa practica e politica di avestruz, invita e pueblo pa haci mescos y sigui cu e mesun repeticion di fabulanan di proyectonan cu ta hole, manera e salvacion pa e miseria financiero y economico cu nan a causa conscientemente. Un parti grandi di nos parlamentarionan a scoge pa ta na Sint Maarten envez di trata e presupuesto di 2016 cu ya ta atrasa, mientras cu nos prome minister a scoge e biaha aki pa figura como tocado di violin enbes di 'handyman of tuinman'.

Tur e bolsanan mundial a habri e aña aki cu un perdida. Hasta algun economista respeta mundialmente a bisa cu e aña aki lo ta uno dificil

cu hopi reto, pero aki na Aruba nos gobernantenan ta sigui ofrece e pueblo mas fiesta y carnaval enbes di enfrenta e problemanan socioeconomico serio, cu ta destruyendo e fondomen di e sociedad bon y trankil cu nos tabata conoce.



Algo locual hopi hende no por a pensa tabata posibel, a sosode na Argentina, Boneiro, Canada, Scotland, Spaña, Venezuela y actualmente na Brazil. E pueblonan aki a bisa basta na corrupcion, manipulacion y partidonan politico tradicional cu no a sirbi e interes general di e pais. Nan a cansa di e mesun mentiranan y nan a vota pa un cambio. Un direccion y un partido nobo. Aki na Aruba, parce cu nos a bira ciego, bira complice di maldad of a perde nos curashi. Nos por cambia e rumbo negativo di e isla aki, net manera e paisnan menciona a haci y cu Aruba a yega di haci tambe den pasado. Dia nos acepta e realidad amargo di e decadencia di nos sociedad, rechasa politica barata, pensa riba nos yiunan y e bienestar general, nos por logre. Nunca e ta laat y nada ta imposibel. Algo fout ta keda fout, ni maske cuanto un persona trata di pint'e bunita of cumpra su hustificacion. Corda cu bo cartera nunca ta gaña y e decadencia social y moral no ta un problema di algun hende so. BON ANJA!

(www.aboaruba.org, aboaruba@hotmail.com)

VIAHENAN DI PARLAMENTODURANTE CRISIS FINANCIERO ?

Algo mas cu un aña pasa PPA a critica un delegacion di Staten cu a viaha pa Panama consistiendo di 11 miembro (incluso Presidente di Parlamento !) ora pone e Griffier acerca e delegacion di Aruba a consisti di 12 persona !! E tempo ey pa colmo e Vice Presidente Chris Dammers tambe a viaha locual e.p. no ta corecto esta cu tanto Presidente como Vice Presidente den exterior....! Den pasado tabata tin un principio cu 'mayoria' di parlamento NO por ta den exterior na mes momento, locual AVP tambe a kibra ultimo tempo.

AWE MAINTA mi a lesa e matutino DIARIO cu riba pagina 8 di e matutino tin algun potret di e delegacion viahando pero locual a capta PPA su atencion ta cu e articulo ta cuminsa cu e palabranan "UN DELEGACION GRANDI DI PARLAMENTO DI ARUBA a sali di viahe pa Sint Maarten unda lo tuma lugar e prome reunion Interparlamentario di Reino". Naturalmente e pregunta di PPA ta:

1. Cuanto miembro di parlamento a viaha pa St. Maarten (y 'mind you' mientras pais Aruba ta den un crisis y pueblo ta haya MEDIDA RIBA MEDIDA pa paga ???

Anotacion: Nos a comprende cu di MEP a viaha TRES miembro esta sr. Glenbert Croes, mr. Addy Thijsen y mr. Xiomara Ruiz Maduro, di parti di Dem Real a viaha mr. Andin Bikker. E pregunta ta Cuanto miembro a viaha di parti di fraccion di AVP ? Riba e potretnan nos por mira Presidente di parlamento drs. Marisol Lopez, Lider di Fraccion drs. Rene Herde, mr. Desiree, sr. Donny Rasmijn y sra. Jansen Varlack e pregunta ta si tin mas miembro di AVP cu a viaha ...y di cuanto persona pues e delegacion di Aruba ta consisti....y PPA ta ripiti 'mey mey' di un CRISIS FINANCIERO.

2. Cuanto e gastonan di e reunion aki ta costa e pueblo pagador di Belasting na St. Maarten ?

3. Algun siman atras den comienso di December 2015 un reunion di Parlatino a tuma lugar na Panama ...e unico miembro cu nos a mira riba un potret cu a baiytataba sr. Glenbert Croes(MEP)....e delegacion aki a viaha y bolbe den un silencio di otro mundo....!!

Pregunta PUBLICO di PPA ta: CUANTO miembro di parlamento a viaha den comienso di DECEMBER 2015 pa panama y CUANTO e gastonan aki a sali pueblo pagador di belasting.....'mind you' mei mei di un crisis financiero.

ANOTACION DI PPA:

PPA ta accentua cu parlamento/staten mester por eherce su trabao den representacion di nos Pueblo.Bao di esaki tambe ta cay viaha pa Conferencianan y PPA e.p. ta sostene esakipero cu delegacionan limita !!

Pero mirando e crisis financiero bao di cual nos pueblo tin di biba (medidanan pisa !) nos parlamento mester ta e prome pa muestra y duna ejemplen cu mester gasta menos !! Segun PPA un delegacion di Parlamento actual cu ta consisti di TRES fraccion lo por ta consisti di MEP 2 miembro, Dem Real 1 miembro y AVP 3 miembro (entre cual e presidente) un total di seis miembro y griffier esta total 7. Si nos mira esnan cu ta conoci actualmente MEP 3 miembro, Dem Real 1 y AVP 5 miembro (no exclui cu lo ta mas tambe !) un total conoci di minimalmente 9 miembro plus griffier ta 10 persona y mi ta ripiti ...no exclui cu lo por ta mas tambe !! Na nos humilde opinion prensa tambe mester cuestiona parlamento riba e topico aki pa saca mas informacion pa nos pueblol. Segun PPA esaki ta 'irresponsabel' y esaki pa henter parlamento cu ta permiti e viahenan PISA y COSTOSO AKI !! Sans Rancunes, BENNY NISBET, PPA !!

E por te persona di Franse Pas?

Maske na prome instante tur cos tabata mustra cu NO tin hende perdi of ningun hende cu famianan a sinti nan falta, ta bin resulta cu dialuna merdia polis ta emiti un noticia unda ta bisa cu Alex Rojas Paz, ta perdi desde 30 di December 2015.

Maske cu polis ta bisa cu e caso aki no por wordo gelink cu e caso di Franse Pas, toch nos ta inclina pa wak esaki un poco mas di cerca.

Segun informe policial, e persona aki, Alex Rojas Paz a wordo ultimo mira dia 30 di December pa 11.30 di anochi na Noord 44c. Despues di 6 hora y mey ta soso haya un curpa carboniza na Franse Pas. Es decir cu e informacion aki, tin tur característica di loke a sosode.

Dios laga cu no ta asina y cu Alex Rojas Paz lo por wordo localiza pa asina e yega bek cerca su famia.

Sinembargo e informacion taki ta duna nos indicacion fuerte cu NO por descarta cu Alex Rojas Paz lo por ta e persona cu a wordo asesina y kima.

Alex Rojas no ta un desconoci na Aruba, ya cu entre otro ta un futbolista cu tabata miembro di varios club di futbol.

Un vez mas, nos ta spera cu su famianan lo por haya sa di su paradero lo mas pronto posibel.

MISSING/PERDI/VERMIST



Naam & voornamen	: ROJAS-PAZ, Alex Orlando
Roepnaam / bijnaam	: Alex
Geboortedatum en plaats	: 22 april 1978 te Cali Colombia
Beroep	: Verkoper
Lengte	: 1.75 m.
Postuur	: slank / gespierd
Mond	: Normaal (links van de mond moedervlek)
Spraak / Taal	: Papiamentu / Spaans
Kleding (soort & kleur)	: Polo shirt donker (zwart), bermuda short (donkergroen) zwarte gym schoenen
Laatst gezien	: op 30 december 2015 om 23:30 uur te Noord 44-C

Si bo wak e of sa unda e ta yama 100, 911, tiplijn di polis 11141 of Telefoon 565-0673 / 569 4661

Delegacion di Aruba, MEP ta na Sint Maarten pa reunionnan di IPKO

Desde dialuna 4 di Januari, ta tumando lugar na Sint Maarten reunionnan di IPKO. Aki tur e parlamentarionan di tur pais di Reino ta topa otro pa asina debati ariba varios

tema. Un di e topiconan cu lo wordo trata ta integridad di politiconan den Reino.

Aki ta na unda e rabo di porco lo krul, ora cu un ves mas Reino Hulandes tuma nota di Roberto Rincon y


su vinculo cu Aruba.

Ministernan di nos pais ta gusta tene man cu bagamundo y awor un ves mas ta pone cara di Aruba na berguenza.



Candela na cas bandona den Jan Flemming


Diabierna anochi bombero a keda manda cu urgencia pa Jan Fleming caminda tin un cas bandona na candela. Patruxa di Santa Cruz y Bombero a presenta di biaha na e sitio y aki a logra domina e candela por completo. Polis a controla full e cas wak si no ta topa cu nada straño.



Servicio Rapido

Mario's Septic Service

560-3500 / 565-4477



**Club Trappers,
pa tur ocasion!**

748-8280

**Club ta airco,
comodo pa
cualquier evento**



Yos Septic Tank Service

Chica pos y habri tuberia Pa un bon servicio y mas informacion tuma contacto cu Nena Dirksz na 7482689 of Jose Dirksz na 5666144 Paradijs #09 - Oranjestad, Aruba.

Prome cu bo cera telefon, nos ta para dilanti bo cas! Mas rapido cu YOS no ta existi!

Segun Pagina di Internet: Arena politico....

68,5% di participante ta desapropa e maneho di Gabinete Mike Eman II

Bo ta APROBA of DESAPROBA e maneho di Gabinete Mike Eman II durante aña 2015?

Mi ta DESAPROBA e maneho

Votes: **68.5%**

Mi ta APROBA e maneho

Votes: **27.4%**

Mi no sa

Votes: **4.1%**

Recientemente e pagina Web di Arenta Politico, a tene un encuesta bao di su lectoranan. Un di e preguntanan cu a wordo haci ta "bo ta desapropa e maneho di Gabinete Mike Eman II". Relaciona cu esaki, Arenta politico a publica e contesta di e lectoranan, cual a resulta

cu 68.5% ta DESAPROBA e maneho di Mike Eman II.

Esaki nos a capta for di e Pagina Web:

Durante e ultimo dianan di aña 2015, y e prome dianan di aña 2016, Arenta Politico a tene un encuesta encerando dos pregunta.

E prome pregunta ta trata di un approval rating pa e maneho di Gabinete Mike Eman II durante aña 2015. Ta trata di Gabinete Mike Eman II como 1 entidad (tur 9 minister). E di dos pregunta ta un encuesta electoral. En total e dos preguntanan hunto a ricibi 1.936 voto (1.004 / 932).

Bo por wak e preguntanan y resultado na cabamento di e articulo aki.

Desaprobacion di maneho pa aña 2015

Loke ta resalta mas ta un desaprobacion substancial pa e maneho di Gabinete Mike Eman

II pa aña 2015 (68,5%). E desaprobacion tambe ta wordo refleha den e cantidad di voto pa AVP (25,4%), cu ta un caida substancial compara cu ultimo eleccion. Mester bay bek na eleccion di aña 2001 pa haya un sosten pa AVP cu ta similar na e resultado di e encuesta.

Minister Paul Croes: Ningun momento a retira directora di Asuntonan Social

Minister Paul Croes di Asuntonan Social a dementi categoricamente cu a retira directora di Departamento di Asuntonan Social. "Sra. Lenny Geertvliet a yega na su edad di pensioen y a scoge pa un otro reto pa e siguiente añanan. Ningun momento sra. Geertvliet a wordo retira. Mas ainda mi ta aprecia sra. Geertvliet su aporte sigur pa e maneho social di nos pais", ta locual cu minister Paul Croes a informa prensa. E reaccion aki despues cu a sali un informacion for di trahadornan di e

Departamento na un medio di comunicacion. Minister Croes ta lamenta cu cierto informacion asina ta sali den un forma eroneo pa asina crea sensacion politico. Na momento cu un ambtenaar yega su edad di pensioen, maneho di gobierno ta cu e persona aki mester bay. Den e caso di sra. Geertvliet e a ricibi algun oferta pa sea continua pa un aña mas na dicho departamento of sea scoge algo distinto. Esaki ta locual a sosode tambe. ex-directora di Departamento di

Asuntonan Social lo sigui por medio di un contrato apoya e tereno social pero bao di un otro ministerio. "Mi ta respeta e desicion aki y ta contento cu sra. Geertvliet lo sigui apoya e tereno social. Den nos combersacion dia di su despedida nos a keda palabra cu lo re-enfora e relacionan sigur entre e departamento social cu e departamento nobo cu e lo bay traha na dje", miniseries Paul Croes a indica.



Noticia di Polis.....

Damita cu a bebe molly a wordo atendi pa security

Diarazon, pa mas of menos 4'or y 34 di madrugada, Central di Polis a manda patruya na De Pijk caminda un damita lo tabata bao di influencia di alcohol y un of otro substancia narcotico. Eynan a papia cu security, kende a declara cu un damita tabata papiando cu un di e waitressnan. Polis a bay papia cu e damita, y a bin resulta cu e tabata fuertemente bao di influencia di alcohol y/of narcotica. E damita DMG, a declara cu el a bebe molly. Mirando su condicion, el a wordo hiba warda, caminda cu el a keda presenta dilanti di fiscal auxiliar y encarcela pa e bin bij.

Menaza cu morto den Weststraat

Diarazon, pa mas of menos 2'or y 37 di madrugada, Central di Polis ta manda patruya den Weststraat, pa un menaza cu morto. Na e sitio a papia cu e security yama M di Aruba Trading, kende a declara cu el a mira un homber ta cana direccion zuid den Weststraat. Diripiente el a mira un auto bin. E auto a para dilanti di e homber, caminda cu e chauffeur a cana bay den direccion di e homber y a cuminsa grit'e riba un tire.

Diripiente e homber a core bay na e bewaker. E security, hunto cu e homber, a bay purba di convence e conductor aki, cu e persona, yama F. no tabata tin nada cun'e. E conductor a bay bek den auto y a coy un arma di candela, of algo cu ta aparenta un arma di candela, y a menasa ambos homber cu morto. F. a declara na patruya e mesun storia cu el a bisa e security. E mes tabata direccion Royal Plaza, ora cu tur esaki a pasa. E conductor tabata core den un van bruin y tabata di color cla bisti cu un jeans y un camisa blanco. Ambos homber a wordo bisa pa pasa na recherche pa duna keho.

Grupo di homber kier a horta container completo di klapchi

Diarazon, pa mas of menos 4'or y 10 di mainta, Central di Polis ta dirigi un patruya di Noord na NG Supermarket na Kamay, caminda un grupo di homber kier a horta un container di klapchi. Na e sitio a papia cu e homber S., kende a declara cu banda di 4'or, tabata tin un pick up preto para patras di un container di klapchi. For di e auto a Sali cuater persona bisti cu skimask. Un di e hombernan a saca un arma di candela y a bay tras di S. Nan a bis'e pa e no yama polis. S. a core bay tras di e supermarket y a yama su hefe. E malhechornan a corta e hangslotnan pero no a logra drenta den e container. Despues e hombernan a core bay direccion zuid. E doño a wordo yama, pero no kier a yega na e sitio. S. a declara cu mas tempran un homber a yega na e sitio y a ofrece placa pa e laga nan horta klapchi. S. a nenga y e hombernan a core bay. Patruya a controla den e vecindario y a conseha S. pa e bay recherche. Central di polis ta na altura.

Polis a topa cu ilegal durante control den trafico

Durante control, pa mas of menos 1'or y 5 di merdia, un dama, EEMR, naci na Colombia, di 45 aña, a wordo deteni den cuadro cu inmigracion. El a bisa cu e tin mas of menos 8 aña biba na Aruba. Su auto a wordo confisca, mirando cu e papelnan no tabata na ordo. Takelwagen a hiba w auto Balashi. Pa 2'or y 10, e dama a wordo pasa pa personal di Warda nos Costa.

Destruccion di bentana na cas


Diarazon, mas of menos 3'or y 59 di atardi, Central di Polis ta manda un patruya na un cas na Palm Beach pa un destruccion. Eynan a papia cu e dama MGG, kende a declara cu dialuna, pa mas of menos 3'or di atardi, el a laga tur cos intacto. El a bin bek diarazon, pa mas of menos 10'or y mey di mainta, el a mira cu e bentana di su comedo tabata kibra. Keho di destruccion a wordo tuma y pasa e caso den man di recherche Noord pa mas investigacion.

Ladronia riba beach parce cu no ta stop

Diarazon, 6'or y 45 di mainta, e homber OT a presenta na warda, caminda cu el a bin haci keho di ladronia di algun di su pertenencianan. El a conta cu e tabata riba beach entre 3'or y mey y 4'or di mainta cu su amiga. Algun cos cu e tabata tin den su carson, a wordo horta pa desconocidonan. No ta conoci con esaki a sosode, si e persona lo a kita su paña pa bay landa, cu e hecho ya menciona a tuma luga.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500





Servicio pa Fura Matras.....

Busk'e mainta, fur'e
y entreg'e atardi mes

Trabao garantisa pa bo drumi mihor


Servicio ta encera

- * Nos ta revisa bo matras completo
- * Tela di bon calidad borda cu diseñonan bunita cu extra foam pa mihor suport
- * E Fabrica mas recomenda pa fura matras

Sabana Blanco 34-A - Tel: 582 2709 of 582 4405 - Fax: 583 9637
Email: sleepcom@hotmail.com  Sleep Comfort Aruba



Haci huña bunita.....



**Si bo desea bo huña nan bunita,
whatsapp of bel +297593-9005**

DOW a manda busca compania di Curaçao pa bin investiga ken a lek documento?

Acaso DOW tin hopi miedo?

Informacion cu a yega na nos mesa di redaccion ta muestra cu e departamento DOW a manda contrata un compania di Curaçao pa bin proteha su computernan.

Tatata algun dia pasa cu hefenan na DOW a sinti cu nan computer a wordo gehack, unda masha hopi informacion valioso y comprometedor a lek.

Apartentemente esaki tin e hefenan na DOW den un nerviosismo, pasobra nan no tin ningun idea ta cual ta e documentonan cu a lek.

Tur cos ta muestra cu tin un gastamento di placa pa loco den DOW. Nos por corda ariba fiestanan cu a tuma lugar pa asina introduci vision nobo di DOW, pero tambe mas

despues a bin sali un documento unda DOW a manda cumpra 90 mil dollar di decoracion di pasco for di China.

Porcierto, nos tabata masha atento pa mira ta na unda e luznan fabuloso lo wordo instala, pero realmente nos no a mira ningun, pero ningun decoracion ni adorno nobo, pues relamente

nos tin duda cu si compra tabata uno berdadero of ficticio.

Hecho ta keda cu awor a manda contrata un compania di Curaçao, pa asina bin scrutina e computernan. SOLO no a logra confirma cu si ta di berdad cu lo tin varios empleado a wordo manda cas riba schorsing, mientras cu e compania di

Curacao ta investiga.

E actitud di DOW aki ta muestra mas bien cu nan tin hopi cos di sconde.

Esey kier meen cu un investigacion profundo ta necesario den DOW a corto plazo. Solamente si bo tin cos di sconde, bo ta core busca compania pa yudabo sconde informacion. Time will tell!

Airport a cera pa avioneta cu a haya flat tire riba pista

Dialuna mainta a activa un alarma chikito na airport pero cu tin consecuencia grandi pa e airport, nos isla y nos turismo.

Ta asina cu un avioneta net prome cu ela bay lanta a haya un flat tire y pesey e no por a continua cu su despegue.

Consecuencia di esaki ta cu tur avion cu tabata biniendo Aruba mester a wordo dirigi pa baha na Curacao.

Esaki a trece un retraso enorme ariba varios vuelo. Ora cu drecha e problema, a habri e pista bek.



Brommer a dal tras di pickup na Shiribana

Riba caminda na Shiribana diabierna anochi a sosode un accidente entre pickup cu un brommer. E manehador di e brommer a resulta herida y aki ambulance a acudi na e sitio pa atende cu e victima. Patruya di departamento di trafico tambe tabata na e sitio pa tuma datos di e accidente.



Homber a habri aña drumi riba stoel wardando lift



Despues di tiro un homber basta cansa su curpa no a duna mas y a bay drumi riba e stoel na e bushalte na Savaneta altura di Ritz. Patruya di San Nicolas paturyando a topa cu e homber aki drumi

boca abao a purba na lante na varios ocasion pero tabata invano. A manda yama dog catcher pa busca e homber y asina transporte pa warda pa e sosega su curpa y pasa comienso di aña den cel.



TRAPPERS CLUB

- Fiesta, reunion, ricibimento, bruid, fiesta grandi o chikito. - Workshop, reunion, reunion deportivo, encuentronan di iglesia.
- Area openlucht ta acomoda 1000 persona
- 2 Sala cu 3 airco cu ta acomoda te cu 400 persona - Area openlucht cu stage, pa festival, iglesia, fiesta familiar
- Situa pariba di Botica Central, pabao di veld di Rockets @ Sta Cruz 748-8280

Laga Solo di Pueblo cubri bo celebracion, bo fiesta, b-day, of casamento!
Yama nos fotografo na:
748-3293



Botica na Warda pa aña nobo:

2 Jan - 9 Jan 2016

Pabao di brug: Botica Central
Pariba di brug: Sero Preto

Rooster di dokter na Warda IMSAN pa luna di Januari 2016

MA	04	LINDEN V/D
DI	05	LUCHMUN
WO	06	RAMAUTAR
DO	07	TROMP
VR	08	VIS
09 – 10 JANUARI GIEL		
MA	11	WEVER
DI	12	BODERIE
WO	13	BRITT-CROES
DO	14	de CUBA
VR	15	EVERY
16 – 17 JANUARI LINDEN V/D		
MA	18	GIEL
DI	19	LINDEN V/D
WO	20	LUCHMUN
DO	21	RAMAUTAR
VR	22	TROMP
23 JANUARI LUCHMUN (Kinder Carnaval		
24 JANUARI LUCHMUN		
MA	25	GIEL

Numbernan di Emergencia:

Central di Brandweer	911
Polis	100
Sanicolas	104
Sta Cruz	105
Oranjestad	102
Shaba	107
Tip Line	11141
Hospitaal	527-4000
Centro Medico San Nicolas	524-8833
Ambulance	
Wayaca	582-1234
Sanicolas	584-5050

Solo di Pueblo: 5859500

Manda comunicado na:
solodipueblo@gmail.com

Kiwanis Circle K di Universidad di Aruba a organiza un cena pa 50 mucha

Manera ta custumber, Kiwanis Circle K di Universidad di Aruba ta organisa un cena di Pasco pa un grupo di mucha cada aña. E aña aki no tabata un excepcion.

E proyecto aki ta enfoca riba brinda tur mucha un experiencia di Pasco special. Durante e anochi aki e muchanan a disfruta di entre otro; nan cuminda di Pasco, wega, y musica di e banda Melodia. Na final di e anochi, cada mucha a ricibi nan regalo bao di e kerstboom for di Santa Claus. E anochi aki tabata yena cu ambiente y alegria.

Kiwanis Circle K kier extende un danki di curazon na Blue Eyes Catering, Romar Trading y Amalia Niebles Diaz (Reina Infantil di T.O.B. 2016) pa dona un parti di e cuminda, Arublaas pa e decoracion, Mega Impact, Tao Toys, Island Asia Store y Chanty's Gifts pa e regalonan y Melodia pa e musica. Finalmente tambe kier a gradici Alhambra Casino y Banco Central di Aruba pa nan aporte na e bunita proyecto aki.

Circle K di Universidad di Aruba kier a gradici un biaha mas cada un persona cu a haci e proyecto aki posibel unda e muchanan tabata e strea di e anochi.

Bishita [fb.com/circlek.ua](https://www.facebook.com/circlek.ua) pa mas informacion.



Tur Diasabra
Free bingo!
cu
SOLO DI PUEBLO



Orange matras
Olijfistraat 23D
TEL; 588-7468 /592-3344

Nos tin tur size di matras y box
Nos ta fura matras - box- set
di sala- set di comedor-TV Chair.

Pa bo drumi dushi

MALEZA HUNTINGTON – BAILE DI SAN VITO

Skirbi pa Clyde Harms (cu hopi ayudo di Google)

Siman pasa nos amiga Anamaria (number ficticio pa proteha su privacidad a ricibi e ultimo sacramento y asina el' a yega un stap mas cerca di final di su sufrimento. Den oranan di marduga di e ultimo dia di 2015 el a hala su ultimo rosea, victima di e cruel maleza Huntington cu el a hereda. Aki na Aruba e maleza Huntington no ta conoci. Kico e malesa aki ta?

E maleza di Huntington ta un trastorno neuropsiquiatrico genetico hereditario. E no ta contagioso y e no tin cura. E ta un condena di morto. E persona afecta ta sufri degeneracion neuronal progresivo constantemente, sin interrupcion. Su musculonan ta krimp. E tin hamber constantemente. E mester come 7 a 8 mil caloria pa dia pa mantene su forza, loke e no por. Pa dia cu e muri e n'ta nada mas cu cuero riba weso.

Cu palabranan no tecnico, segun tempo ta pasa e persona afecta ta perde capacidad di su cerebro progresivamente te cu e muri. E degeneracion di su neuronan cerebral ta causa degeneracion di e musculonan den henter su curpa. Un di e sintoma cu ta manifesta tempran ta e movementonan abnormal di henter su curpa, pero especialmente den su brasan y den su canamento. Esaki a duna e maleza e nomber cruel Baile di San Vito.

Tempo mi a conoce Anamaria pa prome bes, ya e tabatin hopi problema pa cana su so. Ora cu e come of bebe algo un hende mester a yud'e tene e tayo of e copi. Su amiganan tabata invit'e hopi biaha pa come un bolo y dal un cofie cu nan y nan tabata hib'e bay haci orashon cu nan na Alto Vista.

Un otro sintoma di e malesa Huntington ta cu e persona ta haya demencia y comportacion abnormal. Esaki Anamaria nunca a haya. Te na ultimo e tabata lucido y e tabata conciente di su morto inminente. Asina mes, Anamaria nunca a keha of busca pa su amigonan haya duele di dje. Mi tabata admir'e pa su forza spiritual.

E malesa Huntington ta existi tur caminda, pero no cu hopi frecuencia. Ta calcula cu den henter mundo pa cada 100.000 hende tin 5 a 10 caso, pero esaki ta varia di lugar pa lugar. E ta prevalece mas tanto den hendenan di Europa occidental caminda e tasa ta 7 pa cada 100.000 hende y e ta mucho menos den paisnan Asiatico y Africa, excepto Zuid Africa caminda tin un prevalencia hopi haltu entre e Afrikanernan descendiente di colonialistanan Hulandes.

Tin algun lugar caminda e malesa tin un prevalencia hopi mas haltu cu e averahe di e region. E dokter/cientista Mericano Nancy Wexler a descubri cu e pueblitonan Lagunetas y Barranquitas na rand di Lago di Maracaibo ta caminda e malesa ta afecta hasta 700 pa cada 100.000 persona. Anamaria tabata descendiente di hendenan di e region ey.


E pober no a cumpli ni 50 añal

Cu Dios Todopoderoso tuma Anamaria den su Reino y dun'e paz eterno.

clydeharms@yahoo.com



Ehempel di movementonan abnormal involuntario di un persona cu e malesa Baile di San Vito



Kiwanis Circle K di Universidad di Aruba a sorprende 50 famia


Pa prome biaha, Kiwanis Circle K di Universidad di Aruba a reparti basket pa famia di menos recurso. A reparti no menos cu 100 basket!

Riba un diasabra y diadomingo Kiwanis Circle K a subi caya y a reparti basket den tur bario na Aruba. Cada famia a ricibi 2 basket, un basket di comestibles y un otro cu producto di limpieza. Banda di esaki a reparti varios producto extra, esta chips y V8 Splash, pa e muchanan di e bario cu tabata hunga pafor.

Pa hopi di e famianan cu a ricibi e basketnan e gesto aki tabata un sorpresa grandi.

Kiwanis Circle K di Universidad di Aruba kier extende un danki grandi na Romar Trading, Ho-Kang-You Tandartsenpraktijk, Ellcey Trading y Hilton Aruba Resort pa donacion di producto. Tambe kier a gradici Riu Palace Antillas, Renaissance Casino's, Universidad di Aruba, Departamento di Asunto Social, PwC, Divi Resorts, Aruba Airport Authority y Sjiem Fat & Co. Law offices pa nan aporte na e proyecto aki.

Kiwanis Circle K di Universidad di Aruba ta hopi contento cu e resultado di e proyecto aki, a crea sonrisa tras di sonrisa ora di reparti e basketnan y siguramente lo ripiti e proyecto aki otro aña.



Scol di Evangelisacion Mgr. A. van der Veen Zeppenfeldt Aruba ta anuncia:

Curso "Maria, nos Mama"

Scol di Evangelisacion Mgr. A. van der Veen Zeppenfeldt Aruba ta habri aña 2016 poniendo su mes den mannan amoroso di nos Mama Maria y ta haci un invitacion na nos religiosonan, gruponan di oracion, apostolado Mariano, Comunidad Neo Catecumenal, tur grupo pastoral cu ta traha den Iglesia y tambe tur participantenan cu a yega di sigui cursonan di Scol pa reserva e fin di siman 15-16-17 di Januari 2016 pa curso "Maria, nos Mama", cu ta tuma lugar na Centro Pastoral na Sta. Cruz.

Curso "Maria, nos mama" ta un curso cu ta habri pa tur hende, pues bo NO mester a sigui ningun otro curso di Scol anteriormente.

E obhetivo di e curso "Maria, nos mama" ta pa haya un conocimiento mas cla y solido di Mama Maria, e muhe bendiciona, mama di Dios y mama di nos tur. Pa nos stima Maria y descubri e poder di Hesus den dj'E.

Pa mas informacion por yama Centro Pastoral (Sta. Cruz) 585-8378 entre 2'or y 6'or di atardi of Mayra Croes na 565-8504 of Ada Werleman na 592-6838.



Laga Solo di Pueblo cubri bo celebracion, bo fiesta, b-day, of casamento!
Yama nos fotografo na:
748-3293

Invitashon

Pa medio di esaki famia kier a haci un invitacion pa 1 santo sacrificio di misa pa descanso di:



Rafael Semeleer

'Rafay' of 'Pa Fay',

Diamars 5 Januari 2016 pa 5:30 di atardi na Kapel di Alto Vista y alavez nos kier a invita pa 7:30 un Rosario na cas: Shaba 14.

Boso presencia lo ta altamente aprecia.

Mi tin Dios como Wardador, pues mi no tin falta di nada. Den Cunucu di yerba berde, E ta pone mi sosega. E ta hibami na awa trankil, pa mi bolbe haya forza. Salmo 23: 1,2,3

Cu inmenso tristeza na nos curazon, nos ta participa fayecimento di:



Rudy Rafael Tromp

mihor conoci como Romi of Ronni

5 Maart 1955 – 2 Januari 2016

(Yiu de defuntonan Felix Raymundus Tromp y Maria Epifania Tromp)

Na nomber di su rumannan:

- Jacinto Tromp y Famia
- Mario Tromp y Eva Thijssen y Famia
- Juan Tromp y Aida Tromp Dijkhoff y Famia
- Faustina Tromp y Famia
- Judith y Robby Falconi Tromp y Famia
- Glennie Tromp y Famia

Ta invita tur Sobrino- y Sobrina (nan), Primo- y Prima (nan), Amigo y Amiga (nan), Bisiñanan y conocirnan y demas Famia:

Tromp, Franken, Falconi, Croes, Rouchmann, Coutinho, Trimon, Dijkhoff, Figaroa, Kelly, Victoria, Sprock, Thielman, Ruiz, Quant y demas Famia cu nos por a lubida den nos tristeza.

Pa asisti na e acto di condolencia y entierro cu lo tuma lugar Diarazon 6 di Januari 2016 di 9'or pa 11'or di mainta na Aurora Funeral Home. Despues lo sali pa Santana Catolico na Noord.

Nos ta lamenta cu despues di entierro nos no por ricibi bishita di condolencia na cas.



*Pa anuncianan di
fayecimento, por pidi via
di cas funeral of tuma
contacto cu Solo di Pueblo
na 585-9500*

Tipline: 585-9500

Tipline: 585-9500


Tipline: 585-9500

Tipline: 585-9500

Tipline: 585-9500

Na number difamia nos kier a gradici for di profundo di nos curazon, tur atencion y sosten ricibi

Durante fayecimento y entierro di nos defunto stima:



Sr. Fabiano Ciriaco Koolman

Un gradicimento ta bay na staff y personal di HOH, na Dr. v/d Linde, Dr. Tromp, Dr. G.Croes, Internista Schouten y ambulance. Un danki di curazon na tur familiar, Amistad y conocirnan cu a acompaña nos te na su ultimo momento. Danki na tur persona cu a manda krans, jama, manda email of message. Danki pa boso sosten den e Momentonan mas difícil, y por ultimo un danki hopi grandi na staff y personal di Ad Patres pa nan Excelente servicio.

"Señor ta mi wardador, mi'n tin falta di nada en cunucu di yerba berde e ta ponemi sosega. E ta hibami na awa trankil, Pa mi bolbe haña forsa". Salmo: 23


Cu honda pena pero conforme cu boluntad di Dios nos ta anuncia cu a fayece



Sra. vda. Genoveva Kock-Garcia

Cariñosamente yama: "Veva"

*13-05-1928 †28-12-2015



"Laga tur kos ta spera mi ta bunita, laga tur locual cu mi encontra na caminda ta bunita, laga tur locual cumi laga atrás keda bunita y laga esakinan termina den tur buniteza".

Cu hopi tristeza pero conforme cu boluntad di Dios, nos ta participa fayecimento di:

Luis Francisco Zievinger

* 29-11-1950 † 03-01-2016
miho conoci como "Puis"

Ki legria, ora nan a bisami: "Ban cas di Señor" y awor, ata nos para den bo portanan.

Salmo 122, 1-2

Tabata nos deseo di a mira Machi yega 100 aña, sinembargo nos Señor tabata kier e cerca dj'E prome cu esey.

A fayece cristianamente na e bunita edad di 99 aña nos mama, wela, bisawela y tatarawela stima:



Sra. Fransisca Maria Giel-Christiaans

Mihor conoci como Machi, Machi Fanki, Chifan, Fanki

E ta laga atras su:

Yiunan: Cecil y Leonora Giel-Figaroa
†Antonio y Maria Giel-Tromp
Juan y Rosalba Giel
Victor y Anita Giel-Velasquez
Francisco y Filomena Giel-Wolff
†Bernardo y Filomena Giel-Figaroa
Emiliano y Norma Giel-Jacobs
†Filomena y Irving Yarzagaray-Giel
Jose Giel
Tomas Giel
Catrien Giel y Ovito Tromp
Mariana y Hubert Croes-Giel

Su bisanietanan cu a yuda cuid'e te ultimo: Alicia Yarzagaray y Anastacia Giel

Su 33 nieto- y nietanan, 60 bisanieto- y bisanietanan, 4 tataranieto- y tataranietanan.

Su ex-suegranan: Maria Wolff y Olga Velazquez

Su sobrino- y sobrinanan, primo- y primanan, suegro y suegranan, ihanan, comer- y compernan, y demas famia: Giel y Christiaans tur amigo- y amiganan, bisñanan, gruponan di oracion.

Ta invita tur demas famia, amistadnan y conocirnan pa acto di entierro cu lo tuma lugar diamars, 5 Januari 2016, na Iglesia Santa Anna na Noord y despues pa Santana Catholico na Noord. For di 2or merdia e restonan mortal lo ta reposa den Misa. Dialuna 4 Januari 2016 lo tin oportunidad pa condoleer entre 7'or y 9'or na Aurora Funeral Home. Nos no ta ricibi bishita di condolencia na cas.

Met diep leedwezen maken wij het overlijden bekend van

Suzanna van den Erf

*02-07-1954 †31-12-2015

Crematie zal op een latere tijd vermeld worden.



PRONOSTICO DI TEMPO PA ARUBA VALIDO TE DIAMARS 5 DI JANUARI 2016

COMPILA:

DIALUNA 4 DI JANUARI 2016 17:00 (21:00 UTC)

TEMPO:

DIALUNA ANOCHI: LEVEMENTE TE
PARCIALMENTE NUBLA SIN AWASERO DI
IMPORTANCIA.

DIAMARS: LEVEMENTE TE PARCIALMENTE
NUBLA Y GENERALMENTE SECO.

TEMPERATURA MAXIMO 30 GRADO CELSIUS Y
TEMPERATURA MINIMO 25 GRADO CELSIUS.

SOLO TA SALI 07:03 AM Y TA BAHIA 06:27 PM.

BIENTO:

FOR DI DIRECCION OOST Y MODERA TE FRESCO;
FORZA 4 TE 5 (20 TE 39 KM/ORA, 11 TE 21 NUDO).

DE BES EN CUANDO FUERTE DEN RAFAGA;
FORZA 6 (40 TE 50 KM/ORA, 22 TE 27 NUDO).

SITUACION GENERAL:

DEBI NA AIRE RELATIVAMENTE SECO DEN
NIVELNAN MAS ABOU DI ATMOSFERA, NO TA
PREMIRA FORMACION

DI NUBIA SIGNIFICANTE CU POR PRODUCI
YOBIDA DEN PROXIMO 24 ORA. MAS ALEU, UN
BIENTO MODERA

TE FRESCO, DE VEZ EN CUANDO FUERTE DEN
RAFAGA LO SUPLA DEN PROXIMO 24 ORA.

CONDICION DI LAMA:

OLANAN DI LAMA LO TA FOR DI DIRECCION
OOST CU HALTURA DI 5 TE 7 PIA.

TEMPERATURA DI SUPERFICIE DI LAMA 26
GRADO CELSIUS.

REGISTRACION DI TEMPERATURA (CELSIUS) Y
AWACERO (MM) DEN ULTIMO 24 ORA:

AIRPORT MAX 31 / MIN 26 / 0.0

HADICURARI MAX 28 / MIN 24 / 0.0

E PROXIMO BULLETIN LO WORDO PUBLICA
DIAMARS 05 DI JANUARI 2016 17:00 (21:00 UTC)




Un siman bendiciona rumannan.



Oracion di Dia

Awe riba un siman nobo nos ta bin dilanti Bo presencia Señor pa gradici Bo pa nos ruman mayor Hesus, nos Salvador. Duna nos e gracia di perseverá den e caminda di conversion.

Tene misericordia cu nos, sana nos heridanan, lusa henter nos ser pa nos por sali di nos parálisis spiritual cu no ta laga nos sali na encuentro di Hesus. Laga den e aña santo di misericordia aki cu e por ta pa nos un experiencia particular di cambio interior cu nos por avanza cu paso firme pasina nos por ser misericordioso manera nos Tata Amen.



**Permanent
Make-Up?**

**Dilailah
Beauty Clinic**

Tel: 856-7272

Permanent Make-Up

E solucion pa bo cejanan

- Cejasnan dañá of mal forma
- Esnan cu no tin cejas
- Cejasnan cu colornan cora, biña, berde etc.
- Tambe eyeliner y lipliner

Nos tin e solucion pa bo.
Cada servicio ta den forma personaliza .
Sin dolor y no ta hincha den un ambiente relajante.
Mas di 15 aña di experiencia .

Tambe nos ta drecha cejanan cu :
Waxing, pincet y blade den forma unico,
Cu ta cuadra cu bo cara.
Yama awe mes na 730-3327 / 586-7272 nos ta wardabo
cu un sonrisa. Consulta ta gratis.
Na: Dilailah Beauty Clinic
Noord # 82 den Centro Comercial Noord
patras di Botica Noord